

Manaqeeb E Hassan Wa Hussain Razi Allahu Talla Anhuma

NOVEMBER 6, 2014 MARCH 29, 2016 / SK AVAIZ HUSSAIN

Allah Ke Rasool S.A.W Ke Do Chahite Nawase Razi Allahu Ta'alla
Anhuma Ke Naam Hazrat Hassan Raz Aur Hazrat Hussain Razi
Tha Aur Yeh Fatima Razi Aur Hazrat Ali Karam Allahu Wajahu Ke
Bete The..

Inki Fazeelat Aur Shaan Kuch Yu Haii..

1) Abu Hurairah Razi Se Riwayat Hai Ke Aanhazrat s.a.w number
per tashreef ferma the aur Hazrat Hassan Razi aap ke pehloo mai
the, Aap s.a.w kabhi logon ki taraf mutawajh hotay aur phir Hassan
Razi ki teraf aur fermate- "Mera ye beta serdar hai aur umeed hai k
Allah is k zariye musalmanon ki do jamaton mai sulah kerwa de
ga"
(Sahih Bukhari Jild 5, Hd.no-3746)

2) Usama bin Zaid Razi Se Riwayat Hai Ke Nabi-e-kareem S.A.W
inhein aur Hassan Razi Ko pakkar ker ye dua kertay the.. "Aay
Allah mujhe in se Mohabbat hai tu bhi in se mohabbat rakh"
(Sahih Bukhari Jild 5 Hd.no-3747)

3) Anas bin Malik Razi Farmate Hai Jab Hazrat Hussain Razi ka Ser
Mubarak Ubaidallah ibne Ziyad
(Hakim-e-Basra) ke paas laya gaya aur Ek tasht mai rakh diya gaya
to woh badbakht us per lakri marne laga aur Aap Razi ki
khoobsoorti ke baray mai bhi kuch kaha (Ke main
ne isse ziada khoobsoorat chehra nahi dekha) isper hazrat Anas

Razi ne kaha k Hazrat Hussain Razi Rasool Allah S.A.W se sabse ziada mushabeh the aur unhone wasma ka khizab istimal ker rakha tha..

(Sahih Bukhari Jild 5, Hd.no-3748)

4) Al-Bara Radi Allahu Anhu se rivayat hai ki meine Rasool ullah Sallallahu Alaihi Wasallam ko dekha ki Hasan Razi Allahu Anhu Aap Sallallahu Alaihi Wasallam ke kandhe mubarak par the aur Aap Sallallahu Alaihi Wasallam ye farma rahe the ki Ya Allah mujhe in se Muhabbat hai tu bhi in se Muhabbat rakh..

(Sahih Bukhari, Jild 5, Hd.no-3749)

5) Uqba bin Haris Razi Farmate He-“Maine Hazrat Abu Bakr Razi ko dekha k Aap Hazrat Hassan Razi ko uthaye huwe hain aur ferma rahe hain mere maan baap inper fida hon..Ye Nabi-e-kareem se mushabeh hain Ali se nahi.Aur Hazrat Ali Razi wahin muskura rahe the..

(Sahih Bukhari Jild 5, Hd.no-3750)

6) Abdullah Ibn Umar Razi Farmate He-Abu Bakar Razi ne fermaya ke nabi-e-kareem S.A.W ki khushnoodi Aapke Ahl-e-Bait ke sath (Mohabbat aur Khidmat ke) zariye talash karo..

(Sahih Bukhari, Jild 5, Hd.no-3752)

7) Ibn Abi Nu'm razi allahu anhu se rivayat hai ki ek shaksh ne Abdullah bin umar radi allahu Anhuma se pucha ki agar koi shaksh (ehraam ki halat mein) makhi maar de to uska kaffara kya hoga is par Abdullah bin Umar Radi Allahu Anhu ne farmaya Iraq ke log makhi ke baare mein sawal karte hain jabki yahi log

Rasoollallah Sallallahu Alaihi Wasallam ke nawase ko Qatl kar chuke hain jinkey baare mein Rasoollallah Sallallahu Alaihi ne farmaya tha ki ye dono (Hasan aur Hussain Radi Allahu Anhuma) Duniya mein mere Do khushbudar phool hain..

(Sahih Bukhari, Jild5, Hd.no-3753)

8) Said Bin abu Rashid Razi Allahu Anhu se rivayat hai ki Yala bin Murrah ne kaha ki ek baar wo Log Rasool Ullah Sallallhu Alaihi Wasallam ke saath Daawat e Taa'm ke liye nikle Hussain Razi allahu anhu

Gali mein khel rahe the Nabi Sallallahu Alaihi Wasallam logon se aaage bade aur apne haath phaila diye (hazrat Hussain Radi Allahu Anhu) idhar udhar bhagne lage Nabi Sallallahu Alaihi Wasallam unhe hasate rahe yahan tak ki unko pakad

liya Aapne ek haath thodi ke neeche aur dusra haath sir ke upar rakha aur Bosa liya phir farmaya Hussain mujh se hain aur Main Hussain se hu aur ALLAH us se Muhabbat rakhte hain jo Hussain

se muhabbbat rakhta hai..

(Sunan Ibn Majah, Vol 1,Hd.no-144, Kitab us Sunnat, Abwabo

Fazail e

Ashaab e Rasool Sallallaho Alaihe Wasallam)

* Riwayat Hasan Darjeh Ki Hai..

9) Abu Hurairah Radi Allahu Anhu

se rivayat hai ki Rasoolallah Sallallhu Alaihi Wasallam ne Hazrat

Hasan Radi Allahu Anhu se farmaya Eh ALLAH mein Inse

Muhabbat karta hu Aap bhi inse Muhabbat kijiye aur jo unse

Muhabbbat kare use bhi

Mehboob rakhiye phir Aap Sallallahu alaihi wasallam ne Hasan

radi allahu anhu ko seene se lagaya..

(Sunan Ibn Majah, Jild 1 ,Hd.no-142 Kitab us Sunnat, Abwabo

Fazail e Ashaab e Rasool Sallallaho Alaihe Wasallam)

* Riwayat Hasan Darjeh Ki Hai..

10) Abu Hurairah Radi Allahu Anhu se rivayat hai ki Rasoolallah

Sallallhu Alaihi Wasallam ne farmaya jisne Hasan aur Hussain Razi

Allahu Anhuma se muhabbat rakhi usne mujhse Muhabbbat rakhi

aur jisne

unse bugz rakha usney mujhse bugz rakha..

(Sunan Ibn Majah, Jild 1 ,Hd.no-143, Kitab us Sunnat, Abwabo

Fazail e

Ashaab e Rasool Sallallaho Alaihe Wasallam)

*Yeh Riwayat Sahih Hai...

Chunanche Hamme Chaiye Ki Hum Ahle Bait Wa Nawase E Rasool

Salalallahu Alaihi Wassalam Ki Adab Wa Ihteraam Karein..

Yazeed Paleed / Radd-E-Nasbiat

BLOG AT WORDPRESS.COM.